



Kakanj, 29.06.2018. godine
Broj: 02-3-12- *11384* /18

Na osnovu člana 25., 70. i 71. Zakona o javnim nabavkama BiH ("Službeni glasnik BiH" broj 39/14), člana 99. Statuta JP Elektroprivreda BiH d.d. - Sarajevo broj: SD-5211/16-38/2. od 29.03.2016. godine, te člana 4. stav (6) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj: 06-6522/18 od 05.03.2018. godine, direktor Podružnice Termoelektrana "Kakanj" Kakanj, na preporuku Komisije za javne nabavke, d o n o s i

ODLUKU

o izboru prihvatljivog ponuđača po Otvorenom postupku javne nabavke uz korištenje e-aukcije u predmetu Neplanirane nabavke dijelova za postrojenja TE - Specijalni ležajevi za potrebe Podružnice Termoelektrana "Kakanj" Kakanj

Član 1.

U Otvorenom postupku javne nabavke uz korištenje e-aukcije u predmetu Neplanirane nabavke dijelova za postrojenja TE - Specijalni ležajevi za potrebe Podružnice Termoelektrana "Kakanj" Kakanj, po Tenderu broj broj: 2000022672, kao prihvatljivi ponuđač izabran je:

EMAX d.o.o. Tuzla sa cijenom od 9.493,00 KM (bez PDV-a)

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđaču i time ga obavijesti o rezultatima postupka javne nabavke.

Član 3.

Obavezuje se Ponuđač iz člana 1. ove Odluke da u roku od 5 (pet) dana od dana prijema ove Odluke, dostavi dokumente navedene u tački 6.2.2. Tenderske dokumentacije broj 2000022672.

O b r a z l o ž e n j e

U predmetnom otvorenom postupku javne nabavke, objavljenom dana. 21.05.2018. godine na Portalu www.ejn.gov.ba i u „Službenom glasniku BiH” broj 34 od 25.05.2018. godine, ponudu su dostavili sljedeći ponuđači:

- LEŽAJ TRADE d.o.o. Sarajevo,
- EMAX d.o.o. Tuzla

Komisija za javne nabavke ugovornog organa izvršila je otvaranje, pregled i ocjenu primljenih ponuda, te je, na osnovu kriterija „najniža cijena”, utvrdila rang listu prihvatljivih ponuđača kako slijedi:

1. EMAX d.o.o. Tuzla

U Zapisniku o pregledu i ocjeni ponuda od dana 27.06.2018. godine, Komisija za javne nabavke je analizom ponuda vezano uz ispunjenje zahtjeva u pogledu opisa predmeta nabavke, tehničke specifikacije i usklađenosti sa tehničkim kriterijima utvrdila da je ponuđač LEŽAJ TRADE d.o.o. Sarajevo u svojoj ponudi broj 521/18 od 04.06.2018 za poziciju 1 iz tehničke specifikacije broj 01-21/1-18 ponudio ležaj: 22338KEJW33C3 (TIMKEN), sa oznakom KEJ (ležaj sa koničnim otvorom, **bez čvrstog ramena na unutrašnjem prstenu i sa čeličnim kavezom**), a tehničkom specifikacijom broj 01-21/1-18 za poziciju broj 1 tražen je ležaj: 22338 CACK/C3W33 (SKF), dakle, tražen je ležaj sa oznakom CACK - ležaj sa koničnim otvorom, simetričnim valjčićima, **čvrstim ramenom na unutrašnjem prstenu**, lutajućim vodećim prstenom centriranim na unutrašnjem prstenu, između dva niza valjčića i **sa strojno obrađenim mesinganim kavezom**, centriranim na vodećem prstenu, sa posebnim oblikom i završnom obradom kotrljajuće staze.

Na osnovu rezultata utvrđene rang liste, Komisija za javne nabavke ugovornog organa ocijenila je da je jedina prihvatljiva ponuda rangiranog ponuđača EMAX d.o.o. Tuzla sa cijenom ponude od 9.493,00 KM (bez PDV-a), a koja je zadovoljila sve postavljene zahtjeve iz tenderske dokumentacije broj 2000022672.

Napominjemo da, u skladu sa članom 3. Pravilnika o uslovima i načinu korištenja e-aukcije, obzirom da je jedna prihvatljiva ponuda, e-aukcija nije zakazana, nego je postupak okončan u skladu sa članom 69. Zakona o javnim nabavkama.

Iz navedenih razloga, donesena je Odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.

Dostaviti:

- Ponuđačima
- Služba za komercijalne poslove
- a/a

Direktor
Enver Merdić
Enver Merdić

